

A 11
n.d.

UTINI U CONGRESS ?

(Ngu A.W.G. Champion
umongameli wake.)

Ngoba ngiyakuhlonipa Mhleli ngitanda ukukupendula emibuzweni yako lapo uti uCongress neNdhlela. Nalapo uti nibheke uCongress ukuba akombe indhlela. Miningi imibuzo oyibekile ufike endabeni yokubingelela uKingsi kanye neyamaNdiya. Zombili lezi izindaba zinkulu kazilulana. Ngifuna ukuveza umqondo wami mina engipete ngawo nama iyipi inhlango engingumholi wayo. Uma kuvela udaba olukulu oludinga amandla eningi ngiqale ngiqalaze amabuto ami enginawo. Uma anele ngiwapake silwe nempi leyo. Uma ngibona ukuti ngaba ngicita igazi leze ngitule ngilale pansi. Noma kuvela izita zingifaka umunwe esweni ziti ngiyigwala ngizitulele nje.

Uma sifuna imali kuMlungu tina amalungu aleyonhlangano singezwani sonke, bayavela abatile bati masidube umsebenzi. Kodwa umholi onengqondo abatshene ati nidhlala ngamandla enu. Abatshene esita kuti noma kuvela amashoshozela ebanga amawala omsindo epepeni ngitule ngoba ukupendulala nabo epepeni kusiza izita.

Maqondana nokubingelela inDhlunkulu, bonke labo ababeshiseka nase Bloemfontein kwakuyidhlanzana elitunywe zimali okungezona ezika Congress. Mina njengomholi wabo ngabatshena ngati lenkulumo yamawala, nibangela uCongress amazwi ezita ngoba asikabi nawo lawo mandhla. Ngaze ngasho njalo noma kutiwa asipume sale ukuketelwa i Native Representative Council. Ngati konke loku nenza amawala. Ninika ituba ukuba kungene labo abazozwana noHulumeni.

Isinyatelo sokuqala sabantu abatanda inhlango yabo ukuba babale amalungu abo ukuti angakanani. Babale imali yabo ukuti ingakanani beseke belikipa izwi labo abalitandayo. Bangazenzi inhlekiso pambi kwezita. Noma iyipi i resolution ekishwa zitunywa ezihamba nge-mali okungeyona eyamalungu ka Congress mina ngeke nginake luto. Esikubona lapa kufumfusa sekuyasebenza eGoli. Lapa eTekwini sekukona iviywana labafana abafana no Wilson Cele, Herbert Dhlomo, Simon Hlatywayo, Columbus Mbonambi Gladman Nxumalo elihlangene namaNdiya lilwa nokutola izikundhla ku Congress. Benza yonke imizamo ukufaka umoya omubi. NaseGoli baningi kakulu. Uma ungabala amadelegate akona maningi kakulu kodwa kasuki emagantsheni. Banemali eningi yabo yokuhamba behla benyuka. Sebanga ku Congress kodwa abanabo abalandeli abangabantu njengoba nalapa eNatal bafana nezipoxi njena.

Umuntu ofana nami Mhleli angeke azikataze ngokukulunywa yibo ngoba ngisho lapa eTekwini basehlulwa umr.A.N.Ntuli umholi wegantsha nawo onke amawala abo okulwa naye. Singabe sona amasu atu Mhleli uma singayengwa zinkulumo zabo. Nawe ngikunxusa ukuba ungangenwa umoya wabo. Indhlela yamaNgisi yokulwa impi iti: "Do'nt talk about Ships" Ungasiki isifuba sako eziteni. Indhlela yase Russia iti "Shout before you are out of the bush" Memeza usepakati ehlatini uti nako tina siyeza. Uma sekufike lesosikath sokuba uCongress aholwe oWilson Cele no Herbert Dhlomo & Co., mina ngeke ngibe nawo umhawu. Ngobanika amatomu onke, basebenze ngalawo masu abo. Okwanamuhla mina ngiti abancenge kahle abantu babavotele. Bangalingisi Umntwana u Mshiyeni oti azi njena ukuti akuyena onamandhla okungikipa ebuholini bami abhale inhlekiso emapepeni ati angimfuni uChampion. Ningamvoteli asho azi ukuti nango 1942 izwe lonke langivotela eshilo ukuti kangifuni. Ubututa lobo.

Naku Congress iConference eyenza izinqumo ezilukuni yazi kamhlope ukuti abako abantu abanokuyisekela kuloko abasemakaya, ubututa lobo. Ngiyamdabukela u Dr.A.B.Xuma ngoba yena ubuHoli ubunikwa yi Conference yalabo abangenabo abalandeli. Mina obami ubuHoli ngibunikwa uZulu osemakaya nosezikwateni. Angibunikwa ilabo abapila zimali zabelungu namaNdiya. Yonke eyami imali ipuma kumuntu omnyama kusukela ku I.C.U. ngo 1925 mhla ngipuma eCrown Mines. NamaNdiya lawo kitina ayoza ahlanganenati wona ayeke ukukhulisana nalabo esengike ngababiza amagama.

Ngoketo lwe Native Representative Council ngolungenela futi ngeke ngingake izinqumo zase Bloemfontein ezipuma kubantu abayize. Ngaya pambi kuka Kingi ngenhliziyo emhlope ngoba ngifuna ukuyobona oku bizelwe abantu bami engibaholayo ababhincayo nabagqokayo ukuze ngikulume iqiniso. Nangomuso ngokuya kuze kufike isikati lapa isizwe sakti sesinawo amandhla okuti uma into sithi ayiyekwe nempela iyekwe pansi Kunjalo nase mapasini. Nasekuteleleni ikanda. Nasekuhlalisweni ezinkopolo. Kanye nayo yonke imiteto yobandhlululo. Ngolinda abantu engibaholayo. Ngiyeke ukuzenza inhlekiso eziteni zami. Nampoke obami ubuholi Mhleli. Izinkulumo zesita azingenzi ngingake. Nawe ngikupendula ngoba ngikuhlonipa ukuba bengingakuhlonipi bengizotula. NoMshiyeni ngampendula ngoba ngimhlonipa. No Mr.Campbell ngampendula ngoba ngimhlonipa. Obami ubuholi ngabutenga nge Gazi Nezinyembezi. Ligugu leli kimina Mhleli wami otandekayo.

Collection Number: A922

Allison Wessels George CHAMPION Papers, 1925-1959

PUBLISHER:

Publisher:- Historical Papers Research Archive

Location:- Johannesburg

©2013

LEGAL NOTICES:

Copyright Notice: All materials on the Historical Papers website are protected by South African copyright law and may not be reproduced, distributed, transmitted, displayed, or otherwise published in any format, without the prior written permission of the copyright owner.

Disclaimer and Terms of Use: Provided that you maintain all copyright and other notices contained therein, you may download material (one machine readable copy and one print copy per page) for your personal and/or educational non-commercial use only.

People using these records relating to the archives of Historical Papers, The Library, University of the Witwatersrand, Johannesburg, are reminded that such records sometimes contain material which is uncorroborated, inaccurate, distorted or untrue. While these digital records are true facsimiles of paper documents and the information contained herein is obtained from sources believed to be accurate and reliable, Historical Papers, University of the Witwatersrand has not independently verified their content. Consequently, the University is not responsible for any errors or omissions and excludes any and all liability for any errors in or omissions from the information on the website or any related information on third party websites accessible from this website.

This document is part of a collection held at the Historical Papers Research Archive at The University of the Witwatersrand, Johannesburg, South Africa.